



Fréttabréf Naustaskóla

2. tölublað, 4. árgangur, 1. febrúar 2011

Ábyrgðarmaður: Ágúst Jakobsson

Námsaðlögun • Athvarf • Umhyggja • Samvinna • Táp og fjör • Allir með!

Nemar í heimsókn

Þessar vikurnar eru nemar á sveimi hjá okkur, einn kennaranemi er búinn að vera í 1. bekk undanfarið, fjórir kennaranemar dvelja hjá okkur í næstu viku og svo verður hjúkrunarfræðinemi hjá okkur í nokkra daga á næstunni.

Skáknámskeið

Næstu vikurnar verður skáknámskeið í skólanum í samstarfi við Skákfélag Akureyrar. Námskeiðið er á mánudögum kl. 13:30-14:30 og er ætlað nemendum í 3.-8. bekk. Að loknu námskeiðinu er svo ætlunin að blása til skólamóts og senda fulltrúa á sveitakeppni grunnskólanna á Akureyri. Tímasetning og fyrirkomulag mótsins verður auglýst síðar.

Óskilaföt o.fl.

Töluvert hefur nú safnast upp af ómerkum óskilafatnaði í skólanum. Við hvetjum foreldra til að kíkja við og róta í staflanum, það væri til dæmis tilvalið að kíkja við í opnu vikunni (7.-11. feb), fylgjast með skólastarfinu, fá sér kaffibolla, gramsa í óskilafötunum, fá að segja nemendum frá starfinu sínu eða áhugaverðri lífsreynslu, taka lagið á samverustund eða láta ljós sitt skína á annan hátt...

Skólavalskyrning

Þann 11. febrúar kl. 9-11 er sérstaklega opið hús fyrir foreldra nýnema (börn fædd 2005) sem eru að kynna sér skóla bæjarins fyrir innritun.

Kæra skólasamfélag

Febrúar verður væntanlega viðburðaríkur hjá okkur og nóg um að vera eins og endranær. Þar hæst árshátíðina sem verður fimmtudaginn 24. febrúar. Þar munu væntanlega flestir ef ekki allir nemendur skólans stíga á stökk og allir leggja sitt af mörkum til að gera hátíðina sem skemmtilegasta. Við ætlum að hafa fjórar sýningar í þetta skiptið til að allt gangi sem best fyrir sig og þrengsli komi ekki að sök. Einstakir hópar foreldra verða boðaðir á hverja sýningu en fyrirkomulagið á þessu öllu saman verður nánar auglýst þegar nær dregur. Við minnum líka á opnu vikuna sem er 7.-11. febrúar. Foreldrar eru að sjálfsögðu alltaf velkomnir í heimsókn til okkar en þessa viku eru þeir sérstaklega hvattir til að kíkja við og sjá hvað við erum að bralla í skólanum. Ekki verður um sérstaka dagskrá að ræða enda hugmyndin að foreldrar fái tækifæri til að kynna skólanum og sjá börn sín að störfum í "venjulegu skólastarfi". ÁFJ

Félagsmiðstöð í Naustaskóla

Félagsmiðstöðin Trója, sem staðsett er í Rósenborg (gamla Barnaskólanum) þjónar Brekkuskóla, Lundarskóla og Oddeyrarskóla. Trója annast nú einnig félagsmiðstöð í húsnæði Naustaskóla, **hún er opin einu sinni í viku fyrir unglingastig (8. bekk) á þriðjudagskvöldum kl. 19:30-21:30. Annan og fjórða þriðjudag í mánuði er einnig opið fyrir 7. bekk.** Starfsmaður félagsmiðstöðvarinnar í Naustaskóla er Elín Bragadóttir, netfang elin@pds.is Rétt er að minna á að nemendum 8. bekkjar er að sjálfsögðu einnig frjálst að mæta í aðrar félagsmiðstöðvar bæjarins. Nánari upplýsingar um starf félagsmiðstöðvanna er að finna á heimasíðu skólans.

Innivist í frímínútum

Viðmið skólans varðandi innivist eftir veikindi er að eðlilegt sé að nemendur séu inni í einn dag eftir að þeir hafa verið veikir. Í langflestum tilfellum er óþarfi að halda nemendum inni lengur og gott að hafa í huga að ef nemendur geta gengið í skólann og verið úti að leika sér eftir að skóla lýkur, þá eru þeir að öllu jöfnu nógu frískir til að fara út í frímínútur :) Við biðjum foreldra um að aðstoða okkur með því að senda nemendur ekki með miða með ósk um innivist að óþörfu...

Snillingarnir - námskeið

Fjölskyldudeild Akureyrarbæjar býður börnum með ADHD að taka þátt í námskeiði til að efla færni á ýmsum sviðum. Námskeiðið er fyrir börn fædd árið 2001 og 2002 og eru 6 börn í hverjum hóp. Áhersla er lögð á að auka færni barna í félagslegum samskiptum, skapstillingu, sjálfsstjórn og að bæta athyglisgetu þeirra. Hópurinn hittist tvisvar í viku 2 tíma í senn, í 5 vikur (10 skipti alls) með tveimur þjálfurum. Nánari upplýsingar má finna á heimasíðu skólans.

Um nestismál - Hollt nesti!

Þessar vikurnar virðist vera að færast í vöxt að nemendur mæti með ýmis konar snúða og sætabrauð, orkustangir af ýmsu tagi og sæta drykki og mjólkurvörur í nesti. Nesti af þessu tagi er mjög sætt og augljóslega ekki hollt en leiðir auk þess til alls konar metings og samanburðarfræða og setur þrýsting á aðra foreldra að leyfa líka "gott" nesti. Við beinum þeim eindregnu tilmælum til foreldra að nesti nemenda sé hollt. Þá er rétt að minna á að þeir nemendur sem koma með nesti að heiman eiga kost á mjólkuráskrift í skólanum, og vatnið stendur einnig alltaf fyrir sínu þannig að ekki þarf að bera með sér fernur sem eiga til að springa í skólatöskum með tilheyrandi leiðindum.. Gerum nú dálítið átak í því saman að leggja áherslu á hollustu í nestismálunum!

Ágætar hugleiðingar og leiðbeiningar um nesti er að finna á eftirfarandi vefslóð:

<http://www.lydheilsustod.is/greinar/greinasafn/manneldi/nr/342>



Naustaskóli við Hólmatún, 600 Akureyri

www.naustaskoli.is - naustaskoli@akureyri.is - Sími 460-4100 - Frístund sími 460-4111

Febrúar 2011

Sun	Mán	Þri	Mið	Fim	Fös	Lau
	31	1 Blómkáls- og brokkólí súpa, nýbakað baguetté Félagsmiðstöð opið hús 8. b. 19:30-21:30	2 Öfnbakaður tandoori fiskur, hrísgrjón og salat Náttfatadagur hjá 2.-3. bekk	3 Snitzel, kartöflur, salat og sósa 4/5. b. samveruatriði Hundraðdagahátíð 1.b.	4 Makkarónugrautur, brauð og álegg Dagur stærðfræðinnar	5
6	7 Soðinn fiskur m/ kartöflum, salati og laukfeiti Opin vika Skáknámskeið 13:30- 14:30	8 Óskamatúr 2.-3. b. Félagsmiðstöð opið hús 7.-8. b. 19:30-21:30	9 Paprikufiskur, hrísgrjón og salat	10 Pastaskrúfur, kröftug kjötsósa og blandað salat 8. b. samveruatriði	11 Skyr, brauð og álegg Skólavalskygning opið hús kl. 9-11	12
13	14 Nætorsaltaður þorskur, kartöflur og tómatafeiti Skáknámskeið 13:30- 14:30	15 Alvöru vetrarsúpa, gróft baguetté Félagsmiðstöð opið hús 8. b. 19:30-21:30	16 Plokkfiskur, kartöflur, rúgbrauð og smjörvi	17 Pottréttur, hrísgrjón og salat 2/3. b. samveruatriði	18 Hrísgrjónagrautur, brauð og álegg	19
20	21 Soðinn fiskur m/ kartöflum, rófum og feiti	22 Slátur, rófur, kartöflur og uppstúfur Félagsmiðstöð opið hús 7.-8. b. 19:30-21:30	23 Karryfiskur, hrísgrjón og salat	24 Bollur í brúnni, kartöflur og salat Árshátíð	25 Sveppasúpa, brauð og álegg	26
27	28 Starfsdagur, Frístund lokuð fyrir hádegi	1. mars Viðtalsdagur (Frístund opin) Félagsmiðstöð opið hús 8. b. 19:30-21:30	2.	Árshátíð Naustaskóla verður haldin fimmtudaginn 24. febrúar. Sýningar verða fjórar: Kl. 15:00 (Helmingur 1.-3. bekkjar sýnir) Kl. 16:00 (Helmingur 1.-3. bekkjar sýnir) Kl. 17:00 (Nemendur 4.-8. bekkjar sýna) Kl. 18:00 (Nemendur 4.-8. bekkjar sýna) Að loknum sýningum verða seldar kaffiveitingar.		

Nánar auglýst síðar....!!

Muna: Vikuna 7.-11. febrúar er opin vika - foreldrar sérstaklega boðnir velkomnir í skólann.

28. febrúar er starfsdagur - Frí hjá nemendum - Frístund lokuð fyrir hádegi.

1. mars er viðtalsdagur - viðtalstímar verða sendir út með tölvupósti um 20. feb.